

摘藻堂四庫全書薈要

集部

欽定四庫全書薈要

集部

唐文粹卷一至三

詳校官候選知縣臣吳甸華



欽定四庫全書薈要

唐文粹目錄

卷一

古賦

卷二

古賦

卷三

古賦

卷四

古賦

卷五

古賦

卷六

古賦

卷七

古賦

卷八

古賦

卷九

古賦

卷十

詩

卷十一

詩

卷十二

詩

卷十三

詩

卷十四
上

詩

卷十四
下

詩

卷十五
上

詩

卷十五
下

詩

卷十六
上

詩

卷十六
下

詩

卷十七上

詩

卷十七下

詩

卷十八

詩

卷十九上

頌

卷十九

下

頌

卷二十

頌

卷二十一

頌

卷二十二

頌

卷二十三

贊

卷二十四

贊

卷二十五

表

卷二十六

上

書奏

卷二十六

下

書奏

卷二十七

疏

卷二十八

疏

卷二十九

奏

卷三十

上

奏

卷三十

下

制策

卷三十一

文

卷三十二

文

卷三十三_上

文

卷三十三_下

文

卷三十四

論

卷三十五

論

卷三十六

論

卷三十七

論

卷三十八

論

卷三十九

議

卷四十

議

卷四十一

議

卷四十二

議

卷四十三

古文

卷四十四 上

古文

卷四十四

下

古文

卷四十五

古文

卷四十六

古文

卷四十七

古文

卷四十八

古文

卷四十九

古文

卷五十

碑

卷五十一

碑

卷五十二

碑

卷五十三

碑

卷五十四

碑

卷五十五 上

碑 附記碑陰

卷五十五 下

碑 附墓銘

卷五十六

碑

卷五十七

碑

卷五十八

碑

卷五十九

碑

卷六十

碑

卷六十一

碑

附議例銘

卷六十二

碑

卷六十三

碑

附碑陰記銘

卷六十四

碑

附碑陰記

卷六十五

碑

卷六十六

銘

卷六十七

銘
附碣頌

卷六十八

銘
附銘陰

卷六十九

銘
附誄表述

卷七十

銘
附版文誄表

卷七十一

記
附到難

卷七十二

記

卷七十三

記

卷七十四

記
附書

卷七十五

記

卷七十六

記

卷七十七

記
附錄志

卷七十八

箴誠銘

卷七十九

書

卷八十

書

卷八十一

書

卷八十二

書

卷八十三

書

卷八十四

書

卷八十五

書

卷八十六

書

卷八十七

書

卷八十八

書

附牋

卷八十九

書

卷九十

書

附命

卷九十一

序

卷九十二

序

卷九十三

序

卷九十四

序

卷九十五

序

卷九十六

序

附籍記

卷九十七

序

卷九十八

序

卷九十九

傳錄紀事

附讀傳

卷一百

傳錄紀事

臣等謹案唐文粹一百卷宋姚鉉編陳善捫

蝨新話以為徐鉉者悞也姚鉉字寶臣廬州

人自署郡望故曰吳興太平興國中第進士
官至兩浙轉運使詩文儷偶皆莫盛於唐盛
極而衰流為弊格故亦莫禡於唐鉉是編文
賦惟取古體而四六之文不錄詩歌亦惟取
古體而五七言近體不錄蓋於歐梅未出以
前毅然矯五代之弊與穆修柳開相應者實
自鉉始其中如杜審言卧病人事絕一首較
集本少後四句則鉉亦有所刪削又如岑文

本請勤政改過疏之類皆文苑英華所不載
其蒐羅亦云廣博王得臣塵史乃譏其未見
張登集殊失之苛惟文中芟韓愈平淮西碑
而仍錄段文昌作未免有心立異詩中如陸
龜蒙江湖散人歌類皆收之亦未免過求質
朴稍失別裁耳乾隆四十二年十月恭校上

總纂官

臣紀昀

陸錫熊

孫士毅

總校官

臣

陸費

墀

欽定四庫全書叢要卷一萬九千八百十四

集部

唐文粹卷一

宋姚鉉編

古賦甲

摠三首

聖德二

含元殿賦

李華

明堂賦

李白

失道一

阿房宮賦

杜牧

含元殿賦并序

李華

宮殿之賦論者以靈光為宗然諸侯之遺事蓋務恢張
飛動而已自茲已降代有辭傑播於聲頌則無聞焉夫
先王建都營室必相地形詢卜筮考以農隙工以子來虞
人獻山林之榦太史占日月之吉雖班張左思角立前
代未能備也而曩之文士賦長笛洞簫懷握之細則廣
言山川之阻採伐之勤至于都邑宮室宏模廓度則略
而不云其體病矣至若陰陽慘舒之變宜於壯麗棟宇

繩墨之間鄰於政教豈前修不逮將俟聖德而啟臣心
輒極思慮作含元殿賦陋百王之制度出羣子之宵臆
非敢厚自夸耀以希名譽欲使後之觀者知聖代有頌
德之臣焉其辭曰

維皇高宗穆端命于玄穹萬有千歲鍾景祚于洪裔建
北宮之尊嚴上取法於天帝乃圖正殿之迫居規崇山
而定制信神明幽贊而人謀襲契不然何前王曠此之
雄麗也先是大司空帥其屬執度而相之曰美哉川原

驚乎其大亘坤靈兮配乾剛坤順乾而為龍舒廣衍兮
走羣山紛卻面而朝宗陵正陽之奕奕鬱佳氣之葱葱
盖昊天之作而皇祇授元聖獲以造新宮也乃審于龜
筮龜筮協從太卜以告神人咸同皇曰欽哉是將宜於
朕躬因以鴻稱含元建名易乾坤之說曰含弘光大又
曰元亨利貞括萬象以為尊特巍巍乎上京則命徵般
石之匠下荆揚之材操斧執斤者萬人涉磧礫而登崔
嵬擇一榦於千木規大壯於喬枚聲坎坎於青雲若神

踣而顛摧勢動連崖拉風捽雷倒勁梢於窮谷斬巨柢
於昭回時也山祇效靈波神作氣為桴為筏羽疊鱗萃
朝泛江漢夕出河渭雲奔山橫交積于作宮之地於是
農事既收靈臺勿亟子來而就役者周邦畿而薄四海
咸忘勞而獻力乃張為廣庭考正極星邦伯是經國工
研精刻盤罔以為趾太階積而三重因博厚而順高明
築凌天之四墉四墉既列太階如截下土相嶺嶽嶸以
沈沈其始也星鉅電交於萬堵霜鋸冰解於千尋擁棟

為山攢杵如林乃卜日星之吉以成帝室虹梁勁於中
極棟桷職以礲密折姑繇以為楹隳喬山以為礧飛重
簷以切霞炯素壁以留日神標峻摘鬼疊層楣高卑迭
拒尋尺相持木從繩而後正棟操宇而不危階瑩冰級
瓦敷鱗差蕩晶景而升降歛睨暘以交輝聳大廈之奇
傑勢將頓而復飛爰詔有司練日推時徵考室於周詩
會公卿以發之丕赫哉如俯如跂若合若離森修邃
以宵徼恍業駢而巖巍謂衝飈激海兮漩瀚淪以無底

奔雷觸山兮掉巖岬而傾敝石鮫枕首於堂廡狀出雲
而撐髻崇高之制靈丘上盤鄰斗極之光耀邇天漢之
波瀾察鑿枘之吞吐吸山叢而水攢建升龍之大旆邈
不至於階端崢嶸孱顏下視南山照燭無間七耀廻環

啟

呼咸反

故赫以突兀攄閎弘以蕭檄捧帝座於三辰衝

天街之九達進而仰之騫龍首而張鳳翼退而瞻之岌

樹巔而倅雲末嶷兮我我巨鼇戴仙山而出滄波劃

呼麥

反兮煌煌燭龍坼穹穴而臨北方排層城而廓帝居豁

閭闔而面蒼蒼左翔鸞而右栖鳳翹兩闕而為翼環阿
閣以周墀象龍行之曲直夾雙壺以鴻洞啟重閨之呀

赫趨堂塗之未半望宸居而累息惟上聖之欽明爰聽
政而布德去雕璣與金玉絀漢京之文飾熾丹牖於菱
曾抗重霄而競色若乃紫微晨暘彤墀夜明雲薄萬拱
風交四榮冬止其陽則釋裘而燠夏休其陰則捐絺以
清旂獵風而振響葉墜露而成聲懸櫨駢湊竦柱奔列
複檻曾綴高窓景熱黔鳥敢反日翳而罍連曜天開而中

絕形持神而欲離足僂步而將跌貯昭訓之崇崇
麟光範之揭揭其南則丹鳳啟途遐矚荆吳十扇
開閉陰陽睢盱容鼎九扃方駕五車示王者之無
外不樹屏於清都望仙闕於巽維建福敞於坤隅
偃朱旗而縈玄甲屯仡仡之驍夫其後則深闈祕
殿曼宇疎楹瑞木交陰玄墀砥平鮮風厯廡凌霞
飄英蔭藹武闥增華穆清玉燭內融則嘉盛豐備
太陽臨照而天下文明古有六寢御茲一人今也
三朝繇古是因布大命於宣政澹玄心於

紫宸義和弭節於通乾望舒停景於觀象密勿旒扆臣
人是仰左黃閣而右紫微命伊臯以為長其下則鶚冠
魚服良家茂族厲禁非宜金吾領之其前則置兩石以
卹刑張三侯以興武告善之旌登聞之鼓節晷漏於鍾
律架危樓之荀簾以辨內外之差以正東西之序天光
沅於紫庭倒影入於朱戶騰祥雲之郁靄映旭日之葱
龍清渠導於元氣玉樹生於景風夷坦數里徘徊無窮
羅千乘與萬騎曾不得半乎其中厥初經營天下既乂

文物未周孤其壯麗蓋重施於勞非不懷也乃眷睿孫
睿孫開元萬寓晏清而大和奄書契之所論既克廣於
崇構聲明備而益尊蓋聖皇之孝也輝焯變化兮動搖
乾坤其東於是弘文教而開館對日華之清闕蓋左學
之遺制協前王之講德其西於是延載筆之良史俯月
華之峻扉集賢人於別殿朝命婦於中闈王風闡而成
化陰教備而不虧加以詠周詩而展親睦魯衛而敦敘
因命族之來宴置更衣之豐宇至於殿內諸曹則左右

有局通軒並庶物有恒司供無廢舉又有銀璫珥貂寺
人巷伯奉宣出納之命更踐宮中之役熊羆之旅董以
龍武矛戟森森林材官羽林聲破丘山氣訢飛沈爪抉千
鈞跟騰百尋克壯皇威協比其心其外則校人掌馬天
駟在閑以備順遊攻教其間望我鑒和陟彼高山猶慮
憲章或遺國容未備乃立掌匱之司館通事之吏職在
達下情于上天倣王言于有位孺通太極陞指龍池重
門內注複道潛移幽峻肅以相屬光彤融以熿熿懸象

著明帝座維三皇居設位俯察仰參翼室正中游宮次
南北起含光其容耿耿揔而言之如山之壽則曰蓬萊
如日之升則曰大明自茲而北燕遊所經達于苑囿不
可殫名周廬更呵市以環衛南端百仞上極霄際却視
旣崙經途廣深繚以層城黝為重陰至若時雨膏田九
農懷暢雲歸山穴儵以昭曠白日麗於宮隅混晶光而
益壯於是風師歛威纖塏不升頽絕搖芒葉無翻稜自
中徂外鏡洗川澄弦直閭閻井畫溝塍靡迤秦山陂陀

漢陵知稼穡之艱難見皇王之廢興及乎玄冥戒寒海
神飛雪瑤城粉野琪樹森列玉宇璇階雲門露闕天華
爽霽朗日朝徹赤旌降庭朱柱豔月仰白帝而金精開
據河宮而銀燭發其或蠻夷不至帝用興戎降元帥於
天上發神謀於禁中皇靈震耀殄厥渠凶矯矯武臣此
焉獻功效俘虜而陳器械恢莫大之威容爾乃時殷仲
冬日正南至上公奉竿羣后在位一人壽昌萬國承賜
式燕以樂欣欣具醉乃撞宮懸硃碣天地及乎獻歲元

辰東風發春懸法象魏與人惟新儼文物於王庭兼九
伐而宿陳威儀之嚴山嶽振振若太一披網緼而俯百
神既而咸造勿褻會朝清明璿柄指寅寢闈發局皇帝
御袞龍之法服佩蒼璧之純精執鎮圭導朱紘降輦登
階微聞玉聲於是典禮之官贊王就位南面穆然至若
甸侯采衛要荒閩貊輸其方畫罔不來格統以千官六
卿二伯司儀敘進象胥重譯肅肅委皮乾乾奠璧設以
庭燎天烘地赫雷鼓殷殷朱干玉戚神籙如生熊羆愕

昭危昂歇向歌燭歆射金根玉輅太常少伯火列門旂

霜交陸戟乃進元元以觀禮珎

初六反

億兆之增增金吾南

首麾之以肱逋攀援而聳仰齊屨企而冠騰太史來告
卿雲勃興灑豐澤於生人荅上玄之休徵申命司寇緩
刑冢卿降德秩山川而問耆老周雨露而均邦國華戎
竭歡喜氣闐塞揭金雞於太清炫晨陽於正色慶抃之
聲不踰辰而雷四域當斯時也驅周驟漢於廓煥爛王
臨于朝天地貞觀靈宮巖巖上下交贊蓋所以法乾道

而遵帝度豈唯安體而明威者哉夫瑤臺之靡不可以
刑萬國土階之陋不可以儀天地奢不遜而儉固允執
中于大位洪範曰皇建其有極富哉上聖之宏議也詩
歌楚室頌美泮宮諸侯之事也雲夢甘泉晏恢景福辟
王之志也論諸侯曷若戴天子嘉辟王曷若尊聖人烈
烈盛唐祖武宗文太古赧德六王慙勛而政本乎慈用
過乎儉夫蒼生所奉者惟君所愛者惟親寧有君親宅
體於卑室而赤子得安其身乎故有熊明庭帝姚總期

從人欲也天垂定星易有大壯君人者法焉聖朝猶斥其華而凭其質今是殿也者唯鐵石丹素無加飾焉身居玄眇心與萬姓同畎畝之勞以是臨衆何衆不賓以是享神何神不若其天德歟雖欲宮崑崙而館不周城八極而隍四海猶未足儲鴻醇而俯丕耀豈咸鎬一京之所在策四瀆之前歲勅懷鈇之小臣俾讎書於禁中正百代之遺文由是循環天造耳目惟新敢頌成功告于神宗無愧斯干之什式昭聖德之容頌曰

帝作含元含元言言萃若日觀呀為天門太階三層達于崑崙鎮茲秦野揭以周原列文祖宗永錫孝孫孝孫有慶于以施令奄旬萬姓受天休命歌之頌之管磬宜之穆穆皇居壽考無期既成斯文客有勸之上者對曰前王之尤祥絕瑞乃聖朝之細事今休徵已厭于聰明頌聲亦飫于天意和歌竊抃乃臣子之本志又焉足以薦聞哉客曰不然今至尊明發不寐有懷先皇周文之孝也允恭克讓光溢海外堯舜之謙也自即位以來上

下之休嘉臣人之詠歌歌於睿躬則固辭頌於宗廟則
無數今吾子之文明昭乎累聖之耿光美于大君之孝
德可進而退宜言而默使雅頌之音卷而不舒猶坦蕩
其胃臆無乃過歟為人之下者有可達於君親雖濱二
死亦冒行之況宗廟啟其心哉臣華嘗聞遷善之規願
附升歌之末

明堂賦

并序

李 白

昔在天皇告成岱宗改元乾封經始明堂年紀總章時

締構之未輯痛威靈之遐邁天后繼作中宗成之因兆
人之子來崇萬祀之丕業盖天皇先天中宗奉天累聖
纂就鴻勲克宣臣白美頌恭惟述焉其辭曰

伊皇唐之革天創元也我高祖乃仗大順赫然電發以
首之於是橫八荒漂九陽掃叛換開混茫景星耀而太
階平虹蜺滅而日月張欽若太宗繼明重光廓區宇以
立極綴蒼昊之頽綱淳風沕穆鴻恩滂洋武義烜赫於
有截仁聲馭沓乎無疆若乃高宗紹興拓統錫美神休

旁臻瑞物咸薦元符剖兮地珍見既應天以順人遂登
封而降禪將欲考有洛崇明堂惟厥功之未輯兮乘白
雲於帝鄉天后勤勞輔政兮中宗以欽明克昌遵先軌
以繼作兮揚烈聖之耿光則使軒轅草圖羲和練日經
之營之不彩不質因子來於四方豈殫稅於萬室乃準
水臬攢雲梁磬玉石於隴坂空瓌材於瀟湘巧奪神鬼
高窮昊蒼聽天語之察察擬帝居之將將雖暫勞而永
固兮貽聖謀於我皇觀夫明堂之宏壯也則突兀曈曨

乍明乍蒙像太古元氣之結空龍從頽沓若鬼若業似
天閭地門之開闔爾乃劃峩峩以嶽立郁穹崇而鴻紛
冠百王而垂勲燭萬象而騰文寧惚恍以洞豁呼嵌崑
而旁分又比夫崑山之天柱矗九霄而垂雲於是乎結
構乎黃道宕晃乎紫微絡勾陳以繚垣闔闔而啟扉
崢嶸增嶷粲宇宙之光輝崔嵬赫奕張天地之神威夫
其背泓黃河垠漱清洛太行卻立通谷前廓遠則標熊
耳以作揭豁龍門以開闔點翠彩於洪荒洞消陰乎羣

山及乎煙雲卷舒忽出乍沒岌高噴伊倚日薄月雷霆
之所鼓蕩星斗之所仵圪挈金龍之蟠蜿挂天珠之磬
斲勢拔五嶽形張四維軋地軸以盤根摩天倪而創規
樓臺崛岉以奔赴城闕嵌崟而蔽虧珍樹翠草含華揚
粦目瑤井之熒熒拖玉繩之離離掇華盖以儻漭仰太
微之參差擁以禁扁橫以武庫獻房心以開鑿瞻少陽
而舉措採殷制酌夏步雜以代室重屋之名括以辰次
火木之數壯不及奢麗不及素曾檐屹其霞矯廣厦鬱

其雲布掩日道遏風路陽烏轉景而飏飛大鵬橫霄以
側度近則萬木森下千宮對出熠乎碧光之堂灵乎瓊
華之室錦爛霞駁星錯波沕颯蕭寥以颼颼官陰鬱以
緜密含佳氣之青葱吐祥煙之鬱律九室窈窕五闈聯
緜飛楹磊砢走拱黃緣雲楣立及以橫綺彩桷攢藥而
仰天皓壁畫朗朱甍晴鮮頰欄各落偃蹇霄漢翠楹廻
合蟬聯汗漫沓蒼穹之絕垠跨皇居之大半遠而望之
赫煌煌以輝輝忽天旋而雲昏迫而察之粲炳煥以照

爛條山訛而晷換蔑蓬壺之海樓吞岱宗之日觀猛虎
失道潛蚪蟠梯徑通天而直上俯長河而下低玉女攀
星於網戶金娥納月於璇題藻井彩錯以舒蓮天窓艷
翼而銜霓扶標川而罔足擬跟挂而罷躋要離欬矐而
外喪精視冰背而中迷亘以複道通乎掖垣坐入西樓
寔為崑崙三事庶尹正儀躅以出入九夷五狄順方面
而來奔其左右也則丹陛嶢嶢彤庭煌煌列寶鼎歆金
光流辟雍之滔滔象環海之湯湯闢青陽而啟總章廓

明臺而布玄堂儼以太廟處乎中央發號施令採時順
方其閭闔也三十六戶七十二牖度筵列位南七西九
白虎列序而躩踞青龍承隅而蚺蜺其深沈奧密也則
赤熒掌火招拒司金靈威制陽汁光權陰神斗主土據
乎其心若乃熠燿五色張皇萬殊人物禽獸奇形異模
勢若飛動瞪盼睢盱明君暗主忠臣烈夫威政興滅表
賢示愚於是王正孟月朝陽登曦天子乃拖蒼玉轡蒼
螭臨乎青陽左个方御瑤瑟而彈鳴絲展乎國容輝乎

皇儀傍瞻神臺順觀雲之軌俯對清廟崇配天之規欽
若盼嚮維清緝熙崇牙樹羽熒煌歲蕤納六服之貢受
萬邦之籍張龍旗與虹旌攢金戟與玉戚延五更進百
辟奉珪瓚獻琛帛顙印俯僂儼容疊跡乃絜苴醢修粢
盛奠三犧薦五牲享于神靈太祝正辭庶官精誠鼓大
武之隱鱗張鈞天之鏗訇孤竹合奏空桑和鳴盡六變
齊九成羣神來兮降明庭蓋聖主之所以孝治天下而
享祀宵冥也然後臨辟雍宴羣后陰陽為庖造化為宰

食元氣酌太和千里鼓舞百寮賡歌于斯之時雲油雨
霈恩鴻溶兮澤汪濊四海歸兮八荒會咙聒乎區寓駢
聞乎闕外羣臣醉德揖讓而退而聖主猶夕惕若厲懼
人未安乃目極于天耳下于泉飛聰馳明無遠不察考
鬼神之奧推陰陽之荒下明詔班舊章振窮乏散敖倉
毀玉沈珠卑宮頽牆使山澤無間往來相望帝躬乎天
田后親於郊桑棄耒兮反本人和兮時康建翠華兮萋
萋鳴玉鑾之缺缺遊于昇平之圃憩乎穆清之堂天欣

欣兮瑞穰穰巡陵於鶉首之野講武於驪山之傍封岱
宗而祀后土兮掩粟陸而包陶唐遂邀崆峒之道禮汾
水之陽渴飲沆瀣之精英黜滋味之馨香貴理國其若夢遊
華胥之故鄉於是元元澹然不知所在若羣雲從龍衆
水奔海此真所謂我大君登明堂之政化也豈比夫秦
趙吳楚爭高競奢結阿房與叢臺建姑蘇及章華非享
祀與嚴配徒掩月而凌霞由此觀之不足稱也況瑤臺
之巨麗復安可以語哉敢揚國美遂作辭曰

穹崇明堂倚天闕兮寵從鴻濛構瓌材兮偃蹇塊莽邈
崔嵬兮周流辟雍爰靈臺兮赫奕日星噴風雷宗祀盼
嚮王化恢鎮八極兮通九垓四門啟兮萬國來考休徵
兮進賢才儼皇居而作固窮千祀兮悠哉

阿房宮賦

杜牧

六王畢四海一蜀山兀阿房出覆壓三百餘里隔離天
日驪山北構而西折直走咸陽二川溶溶流入宮牆五
步一樓十步一閣廊腰縵迴簷牙高啄各抱地勢鉤心

鬪角盤盤焉困困焉蜂房水渦矗不知其幾千萬落長
橋卧波未雲何龍複道行空不霽何虹高低冥迷不知
西東歌臺暖響春光融融舞殿冷袖風雨淒淒一日之
內一宮之間而氣候不齊妃嬪媵嬙王子皇孫辭樓下
殿輦來于秦朝歌夜弦為秦宮人明星熒熒開粧鏡也
綠雲擾擾梳曉鬟也渭流漲膩棄脂水也煙斜霧橫焚
椒蘭也雷霆乍驚宮車過也轆轤遠聽杳不知其所之
也一肌一容盡態極妍縵立遠視而望幸焉有不得見

者三十六年燕趙之收藏韓魏之經營齊楚之精英幾
世幾年剽掠其人倚疊如山一旦不能有輸來其間鼎
鎗玉石金瑰珠礫棄擲邈迤秦人視之亦不甚惜嗟乎
一人之心千萬人之心也秦愛紛奢人亦念其家柰何
取之盡鎗銖用之如泥沙使負棟之柱多於南畝之農
夫架梁之椽多於機上之工女釘頭磷磷多於在庾之
粟粒瓦縫參差多於周身之帛縷直欄橫檻多於九土
之城郭管弦嘔啞多於市人之言語使天下之人不敢

言而敢怒獨夫之心日益驕固戍卒叫函谷舉楚人一炬可憐焦土嗚呼滅六國者六國也非秦也族秦者秦也非天下也嗟乎使六國各愛其人則足以拒秦秦復愛六國之人則遞三世可至萬世而為君誰得而族滅也秦人不暇自哀而後人哀之後人哀之而不鑑之亦使後人而復哀後人也

唐文粹卷一

欽定四庫全書薈要卷一萬九千八百十五

集部

唐文粹卷二

宋姚鉉編

古賦乙 摠二首

京都

西都賦 李庾

東都賦

西都賦 并表

李庾

臣伏見漢諸儒若班固張衡者皆賦都邑盛稱漢隆當

王道昇平火德丕赫數子歌詠發著後代今自隋室遷
都而我宅焉廣狹榮陋與漢殊狀言時則有六姓千齡
之變言地則非秦基周室之故宜乎稱漢於彼述我於
此臣幸生聖時天下休樂雖未及固衡之位敢效臯陶
奚斯庶幾之誠謹冒死再拜獻兩都賦凡若干言以詘
夸漢者昭聞我十四聖之制度請付史氏賦曰

洛汭先生客于上京問里人以秦漢咸陽故事里人曰
先生不習乎哉秦址薪矣漢址蕪矣西去一舍鞠為墟

矣代遠時移作新都矣先生曰賓者不識藐然老沈惜歲
亡而日遠願聞古而知今為我源說恭承玉音里人曰
昔者帝兆唐居命隋先基乃假隋權是開中原既權二
年為唐遷都周榛秦莽平無枿餘文驅煬迎卒于侑傳
若天使項氏死勞而授漢休也唐開禪壇新都之門闢
殿乾宮以朝諸侯時則有若房魏作弼英鄂執律南陽
故人河間帝室戎衣既稅瑞氣洋溢謹聲傳於億兆煬
燎致乎太一乃會漢酺發周賚謚萬類渟四海遂開國

以報功差子男之五等然後構閣圖形榮號凌煙指河帶以山礪書天子之措紳其制度也擁乾休正坤儀平兩曜據北辰斥咸陽而會龍首右社稷而左宗廟宣達周衢址以十二棊張府寺局以百吏環以文昌二十四署六部提統按星分度儼憲臺而西列肅陰宮於北戶建倍負下揔維綱於御史端國儀朝實周察乎左右其內則有太極承端通址含元日出東榮月沈西軒倚九峻之下麓涵太液之清瀾龍道雙迴鳳門五開煙籠凝

碧風靜蓬萊東則左閣當辰延英眈眈宣徽洞達溫室
隅南接以重離縣乎少陽是為二宮複道邃廊西則月
華重啟銀臺內向中書在焉密用宰相宦者別省延緣
右藏建子亭於屏外設蘭錡於廡下天子端朝明庭九
賓發少府之冕旒陳奉常之官勲肅勾陳以辟護翼雉
扇而對分雞人乃下鶴唱先聞千官就日萬品趨雲漏
遲遲而東轉風習習而南薰外則國子招徒疏館開軒
左立太學前惇廣文膳豐中厨就教九年稽以博士總

之成均秘書典籍品命校郎橫閣三重闡正鈐黃若六
藝之條貫百氏之縱橫交錯發論禮形而樂聲太傅在
前少傅在後載言載筆出納謨誥鵷動鸞飛振玉鏘金
殷廟羞瑚璉之器楚材慙杞梓之林已而變和陰陽經
緯天地採撫軒昊牢籠虞夏闢孔子之學堂敷一代之
風雅此王者之文教也親兵百萬制以神策紫身豹首
金胄火額獵霞張旆剥犀綴革奮目如虎眦振髯而蝟
磔柔六鈞貫七札對天仗以司戈分玉墀而執戟別有

陳旌賜鉞閫外四七依榆闕以作鎮拒柳營而開壁逐
虜則出塞飛塵伐叛則救陽作澤此王者之武威也唐
禮既行三代同風徵叔孫之春官命伯夷之秩宗則有
封禪巡狩謁天拜祖明堂辟雍王者之事有司勿失次
有朝廷之位班爵之序器服車馬以節文武不濫不
羣臣之事有司以告下有內族外姻以殺以隆五禮各
殊陳吉儀凶一室是形天下大同百姓之事有司以教
故以內則敬以外則嚴以家則肥以國則昌卿士翼翼

公侯皇皇在野熙熙在朝蹌蹌夫如是夸周而正魯胡
可殫詳洎乎樂之設也以德配樂陳器以作革木匏竹
篳簹磬鍾命官二署諧以協律以奏廟貌祖考來格以
陳宮庭蕭韶九成鳳凰來儀以布天下手之舞之足之
蹈之及乎御肩衣集舞童或獻凱作名以宣帝功或布
字綴行以達皇風此禮經之所未紀夔夏之所不同刑
期無刑辟以止辟三章寘漢祖之德肆赦緩穆王之法
於是天子御端門詔天下渙汗發澤與民更始建金雞

於仗內聳修竿而揭起其下則稅三關解銀鐺追共工
徙驩堯昭舜弦浹堯年臺收白簡史閣丹筆摠秩官之
計料不踰乎三十斤匡衡之失論罪溫舒之不足司刑
無鬼哭之庭大理有烏巢之獄又若薦祖建宮玄元之
庭霞帔雲冠飄飄太清天子將有事也歲旦時邁夏簋
殷釗傳金爐之御煙開甲帳之琳琅此王者之示孝也
對里連街帝宅王家青門列檻棠棣分華勤政外名花
萼中題屹雲中而佩鳳杳天外而舒蛻於是天子設千

席羞百醴家人齒筵愉愉濟濟此王者之示悌也盛則
長隄砥平錯則纓弁繁夥佩印分魚九叅六佐肅威儀
於行蓋指戒途於前馬待漏未開朝騎沓街雞鳴朱郎
火度青槐先導擘雲後車奮雷遞以嚴聲不生微埃人
寒物慄統以京尹臨人秉殺罔敢不謹豪家戚里金張
許史走騎如龍行車若水拉枯請命曾不仰視配前秦
與後趙固異代而殊擬其地勢也負秦章臺倚漢甘泉
帶涇渭之富流挾終南之壽山指重城之二華拓外門

於兩關玄素交川灞漭在焉斷虹偃蹇而亘梁拖輪走
驟而蹄奔度萬國以向朝趨魏闕之通門赤縣統劇停
阡帝鄉長安萬年乾封明堂藍田左倚鄠杜前張分圻
連乎馮翊畫郊接乎岐陽排吳山而抵蜀亘氏谷而通
商天子穆清環衛陳兵將軍之號三番六營至乃辨曉
警昏主在金吾鼓列六條外傳通衢備以嚴兵羅以周
廬禁動人息用戒不虞其中則御水分溝昆明下流在
野決溉入宮環洲菰織蒲紉芡贅菱羞渚戲元鷁沙眠

白鷗其遠也深有蛟潭派作龍湫溪接河漢波通女牛
其近也方塘含春曲沼澄秋戶閉煙浦家藏畫舟爾乃
農家東作厥土黃壤樹以桑柘翳薈乎南畝以杭以稌
以黍以稷以輸太倉天子之儲土厚地中溫寒以宜門
多杖老室有蕃兒承化發謠帝力不知則有程鄭之家
白闥朱軒崇基峻砌待駟高門木秀茸葩紅舒綠繁挺
碩果於華林育豐蔬於中園珠箔畫晴金釭夜明羅繡
巾幗鼓瑟吹笙譁族陳賓以樂乎太平貨隧分廬物次

駢連中署肆師夕咽朝昏越璞楚琛蜀賄巴實裁綺張
繡紋軸蕉筒聲教之所被車書之所通交錯雜沓斯焉
會同黃宅縉廬金篆玉局以張帝居用壯天庭千形萬
聲不可多名天子奉堯舜之道勤后稷之功當仲夏而
獻爾立中和而視農然後黼黻時備藻盛告豐其接下
情也則堯鼓不懸晉木不列鎔金作軌四門是揭人靡
迷邦士無諱訐示收材而問青上諫行而寃達當其萬
國貢珍四夷納賁賦用舟通財因輦進地官計國度支

主客百姓既足斯焉充牣復若天府萬品以備供職登饌則光祿獻厨命駕則太僕承軾其樂人也啟九重開三殿齒羣官於次坐徵公族於內宴予以訓恭儉予以示慈惠戲族咸在百弄迭改眎仙童之霓裳覩壯夫之角觥御階晝陰帝座春深繽紛宦闈窈窕嬪林既受賜於逮昏盡拜帛而懷金與衆之樂一日於此先生獨不習乎其四郊也或有乘時之舊址亡國之遺蹤天子迎四氣盡然改容曰是足以懷傷於耳目作戒於心曾昔

秦政肆刑秦民共傾楚澤大呼分隳列城徒罷驪山役
休上林秦址既遷鴻門至今此東郊之事也隋苑廣袤
置籠南山占地萬頃不為人間齊門失耕禽遊獸間代
謝物移繚垣不完此南郊之事也豐水悠悠文王作周
傳艱子孫衰平遂遷乃睠鎬都武王宅居國失報死豐
鎬皆無此西郊之事也漢設五時以主淫祀樂誑徐誣
將求永久天子親拜太牢忝牡事亡地存為天下笑此
北郊之事也故因迎春則鑒秦敗知恃刑不如恃德也

因迎夏則鑒隋怠知獵獸不如獵賢也因迎秋則鑒周勤知祖基作艱傳萬年也因迎冬則鑒漢誤知去淫即正獲天祚也四鑒以陳澤于生人四德已懋格于上下故我高祖一呼大定安都居正傳今皇帝一十四聖是知禪國也禪都也非得隋之命是得天之命

東都賦

先生曰富哉言乎堯舜之事吾知之矣然天地旁魄奧區不一九衢六陌亦稱河洛始乎周卜今自隋革進八

百里作唐東宅成者居者余得其故用悉聞見丕我王
度子不識乎顛暘僨華中原毒痛順天應人文皇赫圖
王克不來建德相依阻我東人不蘇義旗高祖西安文
皇武干一挂戎衣我人保完彭城獻級東功乃立則創
業之事不獨于西也高祖至于后朝匪伊是居於焉道
遙明帝大同出震開宮恩波爾鄉洩源于東則太平之
事不獨于鎬也若乃周洛為池帶河為沼洞八門之會
要控二梁之天矯在隋之始移劃前規之隘侈舊制之

陋指半舍而新布乃集工而成就重城不居萬盜齊構
訖大業於義寧廓皇家而遜授既而天踵以正地產以
實禎祥以紀嘉名不一表賢則河水變清瑞聖則洛圖
屢出帝功既成封禪禮行顯祖光宗勒岱而祈嵩我甸
我郊三聖之靈壇在焉赤縣神州與京比儔逕山東之
貢賦扼關外之諸侯直齊梁而駕輅引淮汴而通舟太
行枕甸發址崇垓覃懷鎮封上千昭回鑿門導伊兩阜
屏開育仁顧智堂隅庭隈爾其左掖通東右掖洞西龍

故地之銅駝抱舊里之玉雞御溝接派苑樹通堤抗鳳
樓於內庭矗端門於天街上陽別宮丹粉多狀鴛瓦鱗
翠虹梁疊壯橫延百堵高量十丈出地標圖臨流寫障
霄倚霞連屹屹言言翼太和而聳觀側賓曜而疏軒若
蓬萊之真侶瀛洲之列仙鸞駕鶴車往來于中天嚴城
曉啟千門萬戶建衛對營開局接牖翠華在鎬分官以
守監署惟三卿曹止九臺閣高閱支馭東方乃俾二官
別持憲綱赫若夏日凜如秋霜威動乎甌閩之國風行

乎燕薊之鄉郊圻作固屯兵孟津千里無煙萬夫狺狺
實兼武牢以食濟溫唯是咽喉屬于將軍禮樂所流厥
惟舊周追魯俗而為鄰化殷頑而作柔異材挺擢多士
優游原膴膴而耕溺水濺濺而洗由士得天爵孝稱行
原身行大節里有旌門以繼前修以垂後昆榮一時之
史籍聳當代之人倫兄友弟恭位皆崇榮石記標衢棟
藁為名螭首龜趺嶷峙雙形指兩馮而遠邁對二陸而
遐征至若里巷之新名閭閻之近革或區區於傳說或

瑣瑣於典冊非儆戒於將來何侈言之敢作且二誥尚
存始卜惟艱四姓所都季年乃遷或得于聞或得于傳
幸子勿譁試為子發乎齒牙里人曰諾先生曰邾郕之
地中居帝域賢相聖營龜符墨食成王定鼎以休姬德
三十承孫八百祚年祖功寢微衰平乃遷幽用婦烽諸
侯疾怨夷元敬朔太史不頌百派分波爭涸其源汜水
而鄭陽翟而韓晉盟河陽秦戍新安一旅之兵一同之
土嬴氏乘之不享文武此周之失都也南陽真人復運

漢基舊邦惟新上稱康時光武而釀明醴和醅沖質不
長桓靈自縱后戚立權內官分弄四星耀斗百桷摧棟
陽弱陰強劉輕曹重此後漢之失都也魏丕徙許促齡
四十強臣執柄三嗣徒立政由甯氏王髦莫奮瓦解土
崩炎居奐遜此魏之失都也晉始三世亂興永嘉蕭牆
構兵沈閼稱戈浩浩逆流天下墊波八王既分五馬南
奔左衽之裘乃來中原此西晉之失都也故權在諸侯
則姬氏平權在內后則漢室傾權在強臣則魏徂權在

親戚則晉走是四者各以其故權與勢移運隨鼎去從
古如斯謂之何如世治則都世亂則墟時清則優偃政
弊則戚居勿謂往代試言前載開元太平海波不驚乃
駕神都東人誇榮時則麟麟其車殷殷其徒行者不賁
衣食委衢冠冕之夫綺羅之婦百室連歌千筵接舞高
樓大觀陳賓宴侶金堂玉戶絲鳴管語我道如堯我稅
如貉貧庾而稻賤苟而謁比屋相視恥衣空帛開塲分
肆不列甃麥同軌同文晝呼夜譴父懌子愉去經即盤

既兆既億動動植植無聲之樂薰然不息稽成康之周
隆考文景之漢休擢代繫時不為彼優我俗既饒我人
既驕安不思危逸而忘勞故天寶之季漁陽兵起逆旗
南指我無堅壘市甸輦動衝天羯腥門開麗景殿據武
成殺人如刈焚廬若薙蜀駕先移肩師後誓傷四年之
委燼奮二將以建勲天落妖彗風摧陣雲及夫掃臺榭
之灰收京野之骨徵郡國之版在驗地官之籍列太平
之人已十無七八至德復興六紀于茲七聖儲休平糶

補瘼故含識之士女植髮之童兒皆能痛其喪亂而期
我康時今四方之事叟不知也惟洛泱泱濱盈萬室惟
城職職市鄜駢集比年大有稍藏以實都人嬉賀有笑
無慄咸曰將睹乎貞觀之風開元之日鄉里之人思萬
乘之威儀幸物阜而時和指康衢而引領作望幸之賡
歌歌曰曉雲行兮西風慶搖裔兮龍在中望雲光兮拜
千百西澤霈兮均東澤里人曰誠哉是言前年日南至
天子謁太清宮太廟郊天祀地既畢事執謙端珽謂公

卿大夫曰予在人上厯祀三四年穀比登未極于富人
庶稍蕃未臻于壽動植小遂猶有枯天日月所至猶照
叛土戎狄雖貢西地猶虜今行大禮得不愧望于天而
獻羞于祖是尚以聖政為憂未意於行幸也先生曰大
哉為君用是言也治是事也則千里如郊萬里如圻在
西而東均處內而外肥吾歸息鄉里之謠安堯舜之時
將齊驅於壽域何近喜而遠悲則知鑒四姓之覆轍嗣
重葉之休烈用是言也理是事也即所都者在東在西

可也

唐文粹卷二

欽定四庫全書薈要卷一萬九千八百十六

集部

唐文粹卷三

宋姚鉉編

古賦丙 摠三首

進三大禮賦表

杜甫

朝獻太清宮賦

朝享太廟賦

有事于南郊賦

天寶十三載進三大禮賦表

杜甫



臣甫言臣生長陛下淳樸之俗行四十載矣與麋鹿同羣而處浪跡於陛下豐草長林實自弱冠之年矣豈九州牧伯不歲貢豪俊於外豈陛下明詔不仄席思賢於中哉臣之愚頑靜無所取以此知分沈埋盛時不敢依違不敢激訐以漁樵之樂自遣而已頃者賣藥都市寄食友朋竊慕堯翁擊壤之謳適遇國家郊廟之禮不覺手足蹈舞形于篇章漱吮甘液游泳和氣聲韻寢廣卷軸斯存抑亦古詩之流希乎述者之意然辭理野質終

不足以拂天聽之崇高配史籍以永久恐倏先狗馬遺
恨九原謹稽首投延恩匭獻納上表進明主朝獻太清
宮朝享太廟有事於南郊等三賦以聞臣甫誠惶誠恐
稽首頓首謹言

朝獻太清宮賦

冬十有一月天子既納處士之議承漢繼周革弊用古
勒崇揚休明年孟陬將攄大禮以相籍越彝倫而莫儔
厯良辰而戒吉分祀事而孔修營室主夫宗廟乘輿備

乎冕裘甲子王以昧爽春寒薄而清浮虛閭闔逗蚩尤

張猛馬出騰蚪捎熒惑墮

訂火反

旄頭風伯扶道雷公挾

輶通天台之雙闕警溟漲之十洲浩劫礪萬山颼颼
欬臻于長樂之舍嵬入乎崑崙之丘太一奉引庖犧在
右堯步舜趨禹馳湯驟鬱閼宮之律率圻元氣以經構
斷紫雲而竦牆撫流沙而承雷紛隳珠而陷碧燿波錦
而浪繡森青冥而欲雨艷光炯而初晝於是翠蕤俄的
藻藉舒就祝融擲火以焚香溪女捧盤而盥漱羣有司

之望幸辨名物之難究瓊漿自間於棗盛羽客先來於
介冑爍聖祖之儲祉敬雲孫而及此詔軒轅使合符勅
王喬以視履積昭感於嗣續匪正辭於祝史若盱蠻之
有憑肅風颺而乍起揚流蘇於浮柱金英霏而披靡擬
雜佩於曾巔芝蓋歌以颯纒中澁澁以迴復外蕭蕭而
未已上穆然注道為身覺天傾耳陳僭號於五代復戰
國於千祀曰嗚呼昔蒼生纏孟德之禍為仲達所愚鑿
齒其俗窳窳其孤赤烏高飛不肯止其屋黃龍哮吼不

肯負其圖伊神器臬兀而小人哂喻歷紀大破瘡痍未
蘇尚攫拏於吳蜀又顛躓於羯胡縱羣雄之發憤誰一
統於亨衢在拓跋與宇文豈風塵之不殊比聰鹿及堅
特渾獵豹而齊驅愁陰鬼嘯落日臬呼各擁兵甲俱稱
國都且耕且戰何有何無惟累聖之徽典恭淑慎以允
緝茲火土之相生非符讖之備及煬帝終暴叔寶初襲
編簡尚新義旗爰入既清國難方覩家給竊以為數子
自誣敢貞乎五行攸執而觀者潛悟或喜至於泣矧鱗

介以之鳴簾昆蚊以之振蟄感而遂通罔不具集仡神
光而紺閭羅詭異以戢脅地軸傾而融曳洞宮儼以凝
岌九天之雲下垂四海之水皆立鳳鳥威遲而不去鯨
魚屈矯以相吸掃太始之含靈卷殊形而可挹則有虹
蜺為鈎帶者入自於東揭莽蒼履崆峒素髮漠漠至精
濃濃條弛張於巨細覲披寫於心胷蓋修竿無隙而仄
席已容裂手中之黑簿睨堂下之金鍾得非擬斯人於
壽域明返樸於玄蹤忽翳日而翻萬象卻浮空而留六

龍咸驚跼而壯茲應終蒼黃而昧所從上猶色若不足
處之彌恭天師張道陵等洎左玄君者前千二百官吏
謁而進曰今王巨唐帝之苗裔坤之紀綱土配君服宮
尊臣商數起得統特立中央且大樂在懸黃鍾冠八音
之首太昊斯啟青陸獻千春之祥曠哉勤力耳目宜乎
大帶斧裳故風后孔甲充其佐山稽岐伯翼其傍至於
易制取法足以朝登五帝夕宿三皇信周武之多幸存
漢祖之自強且近朝之濫吹仍改卜乎祠堂初降素車

終勤恤其後有客白馬固漂淪不忘伊庶人得議寔邦
家之光臣道陵等試本之於青簡探之於縹囊列聖有
差夫子聞斯於老氏好問自久宰我同科於季康取撥
亂返正乃此其所長萬神開八駿迴旗掩月車奮雷騫
七曜燭九垓能事頽脫清光大來或曰今太平之人莫
不優游以自得況是蹴魏踏晉批周抉隋之後與乎更
始者哉

朝享太廟賦

初高祖太宗之櫛風沐雨勞身焦思用黃鉞白旗者五年而天下始一厯三朝而戮力今庶績之大備上方采
龙俗之謠稽正統之類盖王者盛事臣聞之於里曰昔
武德以前黔黎蕭條無復生意遭鯨鯢之蕩汨荒歲月
而沸渭衮服紛紛朝廷多閏者仍亘乎晋魏臣竊以自
赤精之衰歆曠千歲而無真人及黃圖之經綸息五行
而歸厚地則知至數不可以久缺凡材不可以長寄故
高下相形而尊卑各異惟神斷繫之於是本先帝取之

以義壬辰既格于道祖乘輿即以是日致齋于九室所以昭達孝之誠所以明繼天之質具禮有素六官咸秩大輅每出或黎元不知豐年則多而筐筥甚實既而太尉叅乘司僕扈蹕望重闈以肅恭順法駕之徐疾公卿淳古士卒精一黜宗廟之愈深抵職司之所密宿翠華於外戶曙黃屋於通術氣淒淒於前旒光靡靡於嘉粟階有賓阼帳有甲乙升降之際見玉柱生芝擊拊之初覺鈞天合律冀冀伋以碣磬千戚宛而婆娑執鼓塤篪

為之主鐘磬竽瑟以之和雲門咸池取之至空桑孤竹
貴之多八音循通既比乎旭日升而氛埃滅萬舞陵亂
又似乎春風壯而江海波鳥不敢飛而玄甲嶸嶸以岳
峙象不敢去而鳴佩剡爚以星羅已而上乾豆以登訶
美休成之既享璧玉儲精以稠疊門欄洞豁而森爽黑
帝歸寒而激昂蒼靈戒曉而來往熙事莽而充塞羣心
虞以振蕩桐花未吐孫枝之鸞鳳相鮮雲氣何多宮井
之蛟龍亂上若夫生弘佐命之道死配貴神之列則殷

劉房魏之勲是可以中摩伊呂上冠夔禹代天之工為
人之傑丹青滿地松竹高節自唐興以來若此時哲皆
朝有數四名垂卓絕向不遇返正撥亂之主君臣父子
之別奕葉文武之雄注意生靈之切雖前輩之溫良寬
大豪俊果決曾何以措其筋力與韜鈴載其刀筆與喉
舌使祭則與食則血若斯之盛而已爾乃直于主索于
祊警幽全之物散純道之精蓋我后常用惟時克貞膺
以蕭合酌以茅明嘏以慈告祝以孝成故天意張皇不

敢殄其瑞神姦妥帖不敢秘其精而撫絕軌享鴻名者

矣予以奏永安予以奏王夏福穰穰於絳闕芳霏霏於

玉笋

舜祠宗廟以玉笋也

沛枯骨而破聾盲施殀胎而逮鰥寡園

陵動色躍在藻之泉魚弓劒皆鳴汗鑄金之風馬霜露

堪吸禎祥可把曾宮歔歔陰事儼雅薄清輝於鼎湖之

上靜餘響於蒼梧之下窅然漠漠惕然兢兢紛並所慕

若不自勝瞰牙旗而獨立吟翠駮而未乘五老侍祠而

精駭千官逃聽而思凝於是二丞相進曰陛下應道而

作惟天與能澆訛散淳朴登尚猶日慎業業孝思烝烝
恐一物之失所懼先王之咎徵如此之勤恤匪懈是百
姓何以報夫元首在臣等何以充其股肱且如周宣之
教親不暇孝武之淫祀相仍諸侯敢於迫脅方士奮其
威稜一則以微言勸內一則以輕舉虛馮又非陛下恢
廓緒業其瑣細亦曷足稱丞相退上跼天跼地授綏登
車伊瀕洞槍鼎先出為儲胥本枝根株乎萬代睿想經
緯乎六虛甲午午方有事於綵壇紺席宿夫行所如初

有事于南郊賦

盖主上兆於南郊聿懷多福者舊矣今茲練時日就陽
位之美又所以厚祖考通神明而已職在宗伯首崇禋
祀先是春官修頌祇之書獻祭天之紀令泰龜而不昧
俟萬事之將履掌次閱龜邸之則封人考墳宮之旨司
門轉致乎牲牢之繫小胥專達乎懸位之使二之日朝
廟之禮既畢天子蒼然視於無形澹然若有所聽又齋
心於宿設將盥食而匪寧旌門坡陀以前驚設騎反覆

以相經頓曾城之軋軋軼萬戶之熒熒馳道端而如砥
浴日上而如萍製翠毛於華蓋之角彗黃屋於勾陳之
星神仙戍削以落羽颺颺幽憂以固局戰岐慄華擺渭
掉涇地回回而風淅淅天泱泱而氣青青甲冑乘陵轉
迅雷於荆門巫峽玉帛清迥霽夕雨於瀟湘洞庭於是
乘輿霈然乃作翳夫鸞鳳將至以冲融寥廓不可乎彌
度聲明通乎純粹溟滓為之垠塢駟蒼螭而蜿蜒若無
骨以柔順奔鳥攫而黥鰐徒有勢於殺縛朱輪竟野而

杳冥金鉞成陰以結絡吹堪輿以軒輊槍寒暑以前卻
中營密擁乎太陽宸眷眇臨乎長薄熊羆弭耳以相舐
虎豹高跳以虛攫上方將降帷宮之絺繡屏玉軼以蠖
略人門行馬以拱乎合沓之場皮弁太裘始進於穹崇
之幕衝牙鏗鏘以將集周衛轆轤而咸若月窟黑而扶
桑寒田燭凋而曉星落肅定位以告絜藹嚴上而清超
雲函苞以張蓋春歲蕤以建杓簪裾斐斐樽俎蕭蕭方
面曲折周旋寂寥必本於天王宮與夜明相射動而之

地山林與川谷俱標於是乎官有御事有職所以敬鬼神所以勤稼穡所以報本反始所以度長立極玄酒明水之上越席疏布之側必取先於稻秫麴蘖之勤必取著於紛純文繡之飾雖三牲八簋豐備以相泐而蒼璧黃琮實歸乎正色先王之丕業繼起信可以永其昭配羣望之徧祭在斯示有以明其翼戴由是播其聲音以陳列從乎節奏以進退韶夏護武采之於訓謨鍾石陶匏具之於梗槩變萬形於動植聽宮徵於砒磬英華發

外非因乎冀冀之高和順積中不在乎雷鼓之大既而
鬱鬱胷胃紫燎窟塊騁孽若赫葩斜晦潰電纏風升雪
颯星碎拂勿促澹眇溟茫淬聖慮岑寂玄黃增霈蒼生
顒卬毛髮清籟雷公河伯或駟騏以修聳霜女江妃乍
紛綸而曖曖執紱秉翟朱干玉戚鼓瑟吹笙金支翠旌
神光倏歛祀事虛明於是潛沲乎渙汗紆餘乎經營浸
朱崖而灑朔漠洵暘谷而濡若英耆艾涕而童子儻叢
棘圻而狴牢傾是率土之濱覃醑醕以涵泳非奉郊之


縣獨宴慰以縱橫玄澤淡泞乎無極殷薦綢繆乎至精
稽古之時屢應符而合契聖人有作不逆寡而雄成爾
乃孤卿侯伯羣儒三老儼而絕皮軒趨帳殿稽首曰臣
聞燧人氏已往法度難知文質未變太昊氏繼天而王
根啟閉於厥初以木傳子攄終始而可見洎虞夏殷周
茲煥炳而葱蒨秦失之於狼貪蠶食漢綴之以蛇斷龍
戰中莽茫茫夫何從聖蓄縮曾不下眷伏惟道祖視生
靈之磔裂醜害馬之蹄嚙呵五精之息肩考正氣之無

轍協夫貽孫以降使之造命更挈累聖昭洗中祚觸蹶
氣慘黷乎脂夜之妖勢迴薄乎龍蛇之孽伏惟陛下勃
然憤激之際天闕不敢旅拒鬼神為之嗚咽高衢騰塵
長劒吼血尊卑配宇縣刷插紫極之將頽拾清芬於已
缺鑪之以仁義鍛之以賢哲朕祖宗之耿光卷夷狄之
影撇盖九五之後人人自以遭唐虞四十年來家家自
以為稷卨王綱近古而不軌天聽貞觀以高揭蠢爾差
僭絜然優劣宜其課密於空積忽微刊定於興廢繼絕

而後覩數統從首八音六律而惟新日起算外一字千金而不減上曰吁昊天有成命惟五聖以受我其夙夜匪遑寔用素樸以守于嗟乎麟鳳胡為乎郊藪豈上帝之降鑒及茲玄元之垂裕于後夫聖以百年為鵲鷺道以萬物為芻狗今何以茫茫臨乎八極眇眇託乎羣后端策拂龜於周漢之餘緩步闊視於魏晉之首斯上古成法蓋其人已朽不足道也於是天子默然而徐思終將固之又固之意不在抑殊方之貢亦不必廣無用之

祠金馬碧雞非理人之術珊瑚翡翠此一物何疑奉郊
廟以為寶增怵惕以孜孜況大庭氏之時六龍飛御之
歸

唐文粹卷三



總校官庶吉士臣張能照
校對官庶吉士臣翟槐

膳錄監生臣李憲滋